



**Andreæ Vallensis Vvlgo Del Vavlx Andanensis, I. V. D. Et
In Alma Academia Lovaniensi SS. Canonum Professoris
Ordinarii, Paratitla Ivris Canonici Sive Decretalivm D.
Gregorii Papæ IX. Svmmaria Ac ...**

Delvaux, André

Coloniæ Agrippinæ, 1686

4. Quot modis constituatur.

[urn:nbn:de:hbz:466:1-62177](https://nbn-resolving.de/urn:nbn:de:hbz:466:1-62177)

§. II.

De Vicario Episcopi.

1. *Vicarius Episcopi quomodo ab aliis distinguatur.*
2. *Dicitur & officialis.*
3. *Isque necessario constitui debet.*

Cum Episcopus, plurimis negotiis involutus, nequeat per se sufficere omnibus, ac spiritualibus potissimum intendere debeat, Vicarium sibi constitutus oportet, vel unum vel plures, *can. In nova xvi. q. 7. Quoniam 14. inf. De officio jud. ord. Anchae. in Clement. 2. De rescriptio.*

1. Qui proinde Vicarius Episcopi, & quidem, more loquendi recepto, simpliciter Vicarius appellatur: de quo potissimum hoc Tit. agitur, non etiam de aliis, qui licet revera Vicarii sint Episcopi, ut Archidiaconus, &c. *Ad hac sup. de officio Archidiac. Archipresbyter. &c. 1. c. Officium sup. de off. Archipres.* tamen non solent appellari Vicarii, quia nomen proprium, & administrationem habent, ex praescripto ipsorum Canonum; nec sunt Vicarii constituti ab Episcopo, sed ab ipso jure ratione dignitatis & officii, quo funguntur.

2. Alter autem Vicarius Episcopi, si generalis sit, appellari solet Officialis Episcopi, & est contra, ut constat ex d. Clem 2. *d. rescripti juncta Gloss. ibid in V. Officiale, & in e. b. 1. in 6. c. 1. & 2. eod in 6. ubi lexus vocat eundem Officiali, & statim d. c. fin. dicitur disjunctive Officialis aut Vicarius generalis Episcopi.*

3. Adeo verò necessarium est, ut Episcopus sibi Vicarium constituat, ut si ea in re fuerit negligens, ad Metropolitanum seu Archiepiscopum devolvatur hujusmodi deputatio: eoque deficiente antiquior Episcopus ex Suffraganeis eundem cogere posset. *Cone. Trident. Sess 24. cap. 16. de reformat.* Tamen si autem Capitulum, vivente Episcopo, eoque vel absente, vel negligente, non possit vicarium constituere, potest tamen, eo mortuo, vel electum ab Episcopo confirmare, vel alium.

§. III.

Qualis debeat constitui Vicarius.

1. *Debet esse probata vita ac doctrina.*
2. *Clericus, non laicus, nisi ex causa.*

Quoniam ex facto Vicarii tenetur Episcopus, sibiique imputare debet, si malum e-

legerit, & *Ad hac sup. De officio Archid. Rebuffus informa Vicariatus n. 188.* ideo etiam videndum, qualis eligi debeat.

1. Eligatur & constitui debet Vicarius probatis moribus, aetate xxv. annorum, arg. e. Cum in curulis & inferiora sup. elect. rerum & causarum forensium peritus, & paucis Cod. de judicis, a. Rempab. D. demunerib. Doctor vel Licentius, saltem in jure Canonico, vel alias, quantum fieri potest, idoneus, Conc. Trident. Sess 24. c. 16. *De reformat.*

2. Clericus item, saltem primæ tonsoræ, non conjugatus, Franc. in e. h. 1. in 6. nisi certis casibus: veluti si Episcopus jurisdictionem habeat temporalem, cuius capax est laicus, non etiam spiritualis, &c. 2. *de judicis:* aut adhuc licentia Papæ, vel necessitas urgeat. Affectorem tamen laicum Episcopus habere potest. Abbas, Felini, & alii c. de his &c. *Decernimus inf. de judicis:* quia officium affectoris est consulere, quod etiam in Ecclesiastis facere potest laicus: licet honestius fuisse adhibere Clericum, si repertus idoneus, Felini in d. c. *decernimus.*

§. IV.

Quod modis constituantur.

1. *Constitui potest vel in spiritualibus, vel in temporalibus, vel in utriusque.*
2. *Vnus, vel plures.*
3. *Vnus item Generalis & alter Foranensis.*

Tripliciter constitui potest: vel in spiritualibus tantum, cuius est officium excommunicare, suspendere, interdicere, Sacra menta conferre, beneficia visitare, corriger, aliaque similia exercere; & talis Vicarius in spiritualibus similitudine in cap. 3. *de temporib. ordinatis. in 6. & in cap. 4. inf. De officio Ordinarii.* Vel in temporalibus tantum, cuius administratio consistit in iudicio, vel extra iudicium. Vel denique Vicarius est in spiritualibus & temporalibus simul: & hic Vicarius Generalis Episcopi appellatur in e. fin. eod in 6. Creataque debet cum expressione spiritualium & temporalium simul: alioquin non esset generalis, si vel in spiritualibus duxerat, vel in temporalibus crearetur, &c. Si Episcopi &c. Ecclesia de supplenda negligat. *Primas. in 6. aut si simplicitet concederetur potestas administrandi. Videatur Rebuffus in Praxis benef. tit. de forma Vicarius Archiepiscopi.* Sic nec Generalis dicteretur, si con-

constitueretur in aliqua speciali parte diœcesis, etiam in ipsa parte, in qua resideret Episcopus; sed diceretur foraneus & delegatus.

2. Secundum, potest Episcopus unum vel plures Vicarios constituere, si id consuetudine receptum fuerit, aut si expressè agatur, plures constituantur, prout plures constitui expedire, quando Episcopus ad diversa territoria diœceticum sumam extensam habet. Alioquin per simplicem constitutionem secundi censeretur prior revocati, D. in e. Clericos b. t.

3. Tertiò, potest constituere unum Generalem, qui vices Ordinarii constituentis gerat in toto diœcesi; & jus dicat in loco ac tribunal, in quo consuevit ipse Ordinarius jus dicere, Sanchez De matrim lib. 3. disputat. 19. q. 1. n. 11. & talis est principalis, & dignitatem habere dicuntur; licet non eam, quæ sit beneficium Ecclesiasticum vel incomparabilis cum alia dignitate, Rebuff, in d. Praxi tit. De Vicario Episcoporum. Alium verò constituerre potest in certa aliqua parte diœcesis, extra civitatem Episcopalem, quæ proinde vocatur Foraneus, nec dignitatem habere censeretur.

§. V.

De potestate & jurisdictione Vicarij.

1. Rationes, quibus afferitur Vicarium Episcopi esse delegatum.
2. Probatur, esse Ordinarium.
3. Satis rationibus contrariis.

1. **T**amen non desint, qui velint Vicarium Episcopi, licet principalis sit, non esse ordinarium, sed delegatum, Gotofredus in Summab. tit. q. 1. cōd. quod ejus iurisdictio morte expireret Episcopi, sicut iurisdictio delegatus integræ finitur morte delegantis, c. Gra: um, c. L. leius unicus inf. De officio delegati; quodque vices Episcopi gerat, c. Romana in princ. De appellat. in 6, sicut delegatus fungitur vice delegantis, l. 1, §. qui mandatum D. de officio ejus & c. l. Solet D. De jurisdict. omnium iudicium: cum tamen ordinaria iurisdictio, mortuo concedente, adhuc remaneat, nec possit ab Episcopo concedi, ut patet ex can. A iudicibus 2. q. 6 l. Et quia D. de jurisdict. Glossa in cap. 2. V. statuitur inf. Ne Prelati vicos suas vel Eccles. sub an. censu conced.

2. Nihilominus verius videtur. Vicarium

Episcopi, si sit principalis, habere ordinariam jurisdictionem, sicut habet Episcopus, cuius vices gerit, prout docet Sanchez De Matrim lib. 3. disput. 29. Glossa in e. Licet in V. Officiali eod. in 6. c. Perleatis distincti 25. in V. iugia, D. i. o. Quoniam in plerisque inf. De officio Ordinarii, & c. 2. De consuet. in e. qui licet constituator seu nominetur & designetur ab Episcopo, non tamen ab eo, sed ab ipso canon. & iure jurisdictionem accipit; c. 2. eod. in 6. ac proinde ordinariam, d. can. A iudicibus. Confirmatur ex eo, quod idem tribunal & eadem jurisdictione sit Episcopi & Vicarii, d. c. Romana & c. 2. & ibi interpp. De consuet. in 6. Et propterea, licet à delegato appelletur ad delegantem, c. Super questionum § porro inf. de officio delegati: tamen à Vicario seu Officiali Episcopi in iis, in quibus est ordinarius, non ad Episcopum, sed ad Archiepiscopum appellatur, d. c. Romana, d. c. 2. de consuet. in 6. ne ab eodem ad eundem aut scilicet interponi appellatio videatur. Idem dicendum de Vicario Capitali, Sede vacante & Vicario generali habent jurisdictionem Episcopalem ut tradit Sanchez. d. loco. Ethinc sit, quod Episcopus non possit revocare aut impugnare, quod legitime & canonice Vicarius gerit, Rebuff. in Praxi tit. de Vicar. Epis. n. 40.

3. Non obstant in contrarium allata: quia ideo jurisdictione Vicarii extinguitur morte Episcopi, quia illius jurisdictione tamquam accessoria cohæret, & sic gerit vicem Episcopi: ut tamen non ab eo, sed à jure jurisdictionem accipiat idemque cum Episcopo tribunal constituar, non diversum: prout delegatus diversum constituit à delegante, à quo suam jurisdictionem habet. Et ideo recte à delegato ad delegantem provocatur; sicut & ab Archidiaco, aliisque Praelatis & inferioribus ad Episcopum, non autem Archiepiscopum. Recte etiam à Vicario Episcopi ad Episcopum appellatur, quoad ea, in quibus illius est delegatus: veluti quando illi divisi & seorsim ab institutione committit aliquos casus qua de re videatur Sanchez d. Disput. 29. quæst. 1.

¶ (†) dicitur

L 2

§. VI.